

"Қазақстан Республикасы Ішкі істер министрінің 2015 жылғы 28 қаңтардағы "Бейбіт уақытта азаматтық қорғаныс әскери бөлімдерін қолдану қағидаларын бекіту туралы" № 66 бұйрығына өзгерісті енгізу туралы

Қазақстан Республикасы Төтенше жағдайлар министрінің 2021 жылғы 4 ақпандағы № 58 бұйрығы. Қазақстан Республикасының Әділет министрлігінде 2021 жылғы 9 ақпанда № 22169 болып тіркелді

БҰЙЫРАМЫН:

1. Қазақстан Республикасы Ішкі істер министрінің 2015 жылғы 28 қаңтардағы "Бейбіт уақытта азаматтық қорғаныс әскери бөлімдерін қолдану қағидаларын бекіту туралы" № 66 бұйрығына (Қазақстан Республикасының Әділет министрлігінде 2015 жылы 5 наурызда № 10390 тіркелді, "Әділет" ақпараттық-құқықтық жүйесінде 2015 жылы 2 желтоқсанда жарияланған) мынадай өзгеріс енгізілсін:

Көрсетілген бұйрықпен бекітілген бейбіт уақытта азаматтық қорғаныс әскери бөлімдерін қолдану Қағидалары осы бұйрықтың қосымшасына сәйкес жаңа редакцияда басылсын.

2. Қазақстан Республикасы Төтенше жағдайлар министрлігінің Азаматтық қорғаныс және әскери бөлімдер бойынша комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрықты Қазақстан Республикасы Төтенше жағдайлар министрлігінің интернет-ресурсына орналастыруды қамтамасыз етсін;

3) Қазақстан Республикасы Әділет министрлігінде мемлекеттік тіркелгеннен кейін жұмыс он күн ішінде Қазақстан Республикасы Төтенше жағдайлар министрлігінің Заң департаментіне 1) және 2) тармақшаларымен көзделген іс-шараларының орындалуы туралы мәлімет ұсынылсын.

3. Бұйрықтың орындалуын бақылау Қазақстан Республикасының Төтенше жағдайлар бірінші вице-министріне жүктелсін.

4. Осы бұйрық бірінші реңми жарияланған күннен бастап күнтізбелік он күн өткеннен кейін қолданысқа енгізіледі.

Қазақстан Республикасы
Төтенше жағдайлар министрі

Ю. Ильин

"КЕЛІСІЛГЕН"

Қазақстан Республикасы
Ішкі істер министрлігі

Қазақстан Республикасы
Төтенше жағдайлар министрі
2021 жылғы 4 ақпандағы

Бейбіт уақытта азаматтық қорғаныс әскери бөлімдерін қолдану қағидалары

1-тaraу. Жалпы ережелер

1. Осы Бейбіт уақытта Қазақстан Республикасы Төтенше жағдайлар министрлігінің азаматтық қорғаныс әскери бөлімдерін қолдану қағидалары (бұдан әрі – Қағидалар) "Азаматтық қорғау туралы" 2014 жылғы 11 сәуірдегі Қазақстан Республикасының Заңы 12-бабының 70-10) тармақшасына сәйкес әзірленді және бейбіт уақытта азаматтық қорғау іс-шараларын орындау үшін Қазақстан Республикасы Төтенше жағдайлар министрлігінің азаматтық қорғаныс әскери бөлімдерін (бұдан әрі – азаматтық қорғаныс әскери бөлімдері) қолдану тәртібін айқындайды.

2. Бейбіт уақытта азаматтық қорғаныс әскери бөлімдерінің негізгі міндеттері:

Қазақстан Республикасының аумағында төтенше жағдайларды жою;

жауынгерлік, жұмылдыру және саяси даярлықты ұйымдастыру;

төтенше жағдайлар аймақтарында халықтың тіршілігін қамтамасыз ету бойынша жұмыстарды орындау;

төтенше жағдайлардың алдын алуға бағытталған іс-шараларға қатысу;

уәкілетті органның қарамағындағы басқару пункттерін күзетуді және оған қызмет көрсетуді қамтамасыз ету;

төтенше жағдайлар аймақтарына, оның ішінде шет елдік мемлекеттерге жеткізілетін жүктөрді тасымалдау, бірге алып жүру және күзету;

жұмылдырып өрістетуге дайындық және жауынгерлік әзірлікке келтіру бойынша іс-шараларды жүзеге асыру;

оку обьектілерін, полигондарды тұрақты әзірлікте ұстау;

уәкілетті органның жедел резервін ұстау болып табылады.

3. Бейбіт уақытта азаматтық қорғаныс әскери бөлімдері жүктелген міндеттеріне сәйкес:

1) зардал шеккендерді зақымдалған, жанып жатқан ғимараттар мен құрылыштардан, газдалған, су басқан және түтіндеген үй-жайлардан іздеу және алып шығу (шығарып алу);

2) зардал шеккендерге алғашқы медициналық көмек көрсету және оларды қауіпсіз аудандарға эвакуациялау;

- 3) адамдардың (зардал шеккендердің) өмірі мен денсаулығын сақтап қалу үшін қажетті жағдай жасау;
- 4) табиғи және техногендік сипаттағы төтенше жағдайлар аймағынан материалдық, мәдени құндылықтарды құтқару (эвакуациялау);
- 5) табиғи және техногендік сипаттағы төтенше жағдайларды жою кезінде жедел штабтарды ақпараттық алмасудың барлық түрімен қамтамасыз ету;
- 6) азаматтық қорғаныс күштері мен құралдарын енгізу бағыттарын жабдықтау;
- 7) бұзылу қаупі бар немесе авариялық-құтқару жұмыстарын қауіпсіз жүргізуге кедергі келтіретін ғимараттар мен құрылыштардың конструкцияларын нығайту немесе қирату;
- 8) коммуналдық-энергетикалық желілердің жекелеген участкерін қалпына келтіру;
- 9) бірінші кезекте қажет халықтың тіршілігі, аумақты санитариялық тазалау үшін мұліктерді жеткізу;
- 10) төтенше жағдайлар аймақтарында халықтың тіршілігін қамтамасыз ету жөніндегі жұмыстарды орындау;
- 11) закымдалған ғимараттар мен құрылыштарды оларда зардал шеккендерді уақытша орналастыру үшін және авариялық-құтқару жұмыстарын жүргізуге байланысты басқа да мақсаттар үшін ішінера қалпына келтіру;
- 12) төтенше жағдайлар аймағынан эвакуацияланған зардал шеккен халық (мүмкін болсындар) үшін лагерьлерді өрістету;
- 13) төтенше жағдайлардың салдарын жоюға қатысу;
- 14) жауапты аймақтарда табиғи және техногендік сипаттағы төтенше жағдайлардың алдын алуға бағытталған іс-шараларға қатысу;
- 15) жауынгерлік, жұмылдыру және саяси даярлықты ұйымдастыру;
- 16) уәкілетті органның қарамағындағы азаматтық қорғаныс басқару пункттерін күзетуді және оларға қызмет көрсетуді қамтамасыз ету;
- 17) табиғи және техногендік сипаттағы төтенше жағдайлар аймағына, оның ішінде шетелдік мемлекеттерге жеткізілетін гуманитарлық жүктөрді тасымалдау;
- 18) жұмылдырып өрістетуге дайындық және жауынгерлік әзірлікке келтіру жөніндегі іс-шараларды жүзеге асыру;
- 19) азаматтық қорғаныс бойынша оқу объектілерін, полигондарды тұрақты әзірлікте ұстау;
- 20) азаматтық қорғаныс әскери бөлімдерін, уәкілетті органның жедел резервін өрістету және авариялық-құтқару әрі кезек күттірмейтін жұмыстарды жүргізуге арналған қару-жарақты, техниканы, материалдық-техникалық құралдарды жинақтау, сақтау және уақтылы жаңалау;
- 21) байланыс желілерін және басқа да маңызды байланыс инфрақұрылымының элементтерін қалпына келтіруге байланысты жекелеген міндеттерді орындауға қатысу;

22) қорғалған қосалқы командалық басқару пункттерін ұстau және оның жұмыс істеуі;

23) азаматтық қорғау мәселелері бойынша жергілікті атқарушы органдардың міндеттерін шешуге қатысу үшін қолданылады.

4. Бейбіт уақытта азаматтық қорғаныс әскери бөлімдері күнделікті қызмет, жоғары әзірлік және төтенше жағдай режимдерінде жұмыс істейді.

5. Азаматтық қорғау іс-шараларына азаматтық қорғаныс әскери бөлімдерін қолдану туралы шешімді Қазақстан Республикасының Төтенше жағдайлар министрі (бұдан әрі – Министр) қабылдайды.

6. Азаматтық қорғаныс әскери бөлімдерінің жедел бағынысында Қазақстан Республикасы Төтенше жағдайлар министрлігі Азаматтық қорғаныс және әскери бөлімдер комитетінің (бұдан әрі – АҚжӘБК) төрағасы болады.

7. АҚжӘБК төрағасы азаматтық қорғаныс әскери бөлімдерін табиғи және техногендік сипаттағы төтенше жағдайларды жою басшысының қолбасшылығына немесе табиғи және техногендік сипаттағы төтенше жағдайлардың алдын алу жөніндегі жұмыстар басшысының қарамағына ауысуға тиісті өкім береді.

2-тaraу. Азаматтық қорғаныс әскери бөлімдерінің күнделікті қызмет режиміндегі жұмысы

8. Азаматтық қорғаныс әскери бөлімдері күнделікті қызмет режимінде мынадай іс-шараларды жүргізеді:

1) табиғи және техногендік сипаттағы төтенше жағдайларды жою жөніндегі іс-қимыл (өзара іс-қимыл) жоспарларын әзірлеу;

2) жауынгерлік, жұмылдыру және саяси даярлықты, оның ішінде әскери бөлімдердің қызметін моральдық-психологиялық қамтамасыз етуге бағытталған идеологиялық жұмысты және арнайы насихатты ұйымдастыру;

3) қорғалған қосалқы командалық басқару пунктін күзетуді және оған қызмет көрсетуді қамтамасыз ету;

4) азаматтық қорғаныс жөніндегі оқу объектілерін, полигондарды тұрақты әзірлікте ұстau;

5) уәкілетті органның жедел резервін ұстau және оған қызмет көрсету;

6) азаматтық қорғау саласындағы әлуетті құрылымдардың, уәкілетті орган ведомствосының және оның аумақтық бөлімшелерінің байланыс тораптарымен өзара іс-қимыл жасасуын қамтамасыз ету.

9. Азаматтық қорғаныс әскери бөлімдері табиғи және техногендік сипаттағы төтенше жағдайлардың алдын алуға бағытталған іс-шараларға қатыса отырып, мыналарды:

1) табиғи және техногендік сипаттағы төтенше жағдайлар туындаған жағдайда келтірілетін зиян мен материалдық шығынды азайтуды қамтамасыз ететін жұмыстарды ;

2) құтқарушыларды авариялық-құтқару жұмыстарын жүргізуге дайындауды жетілдіру бойынша авариялық-құтқару қызметтері және құралымдарымен бірлескен оку-жаттығулар, жаттығулар, далалық шығулар мен сабактар жүргізуге қатысуды жүзеге асырады.

3-тaraу. Азаматтық қорғаныс әскери бөлімдерінің жоғары әзірлік режиміндегі жұмысы

10. Азаматтық қорғаныс әскери бөлімдері жоғары әзірлік режимінде мынадай іс-шараларды жүргізеді:

1) табиғи және техногендік сипаттағы төтенше жағдайларды жою жөніндегі іс-қимыл (өзара іс-қимыл) жоспарларын түзету;

2) қажет болған жағдайда басқару пункттеріне тәулік бойғы кезекшілік енгізу;

3) төтенше жағдайларды жоюға қатысатын құштер мен құралдарды табиғи және техногендік сипаттағы төтенше жағдайларды жою жөніндегі іс-қимыл (өзара іс-қимыл) жоспарына сәйкес әзірлікке келтіру, ал қажет болған кезде (команда бойынша) ықтимал төтенше жағдайлар аймағына құштер мен құралдарды жылжыту;

4) табиғи және техногендік сипаттағы төтенше жағдайлардың алдын алу туындаған жағдайда келтірілетін зиян мен шығынның мөлшерін азайту бойынша жедел шараларды қабылдауға қатысу, сондай-ақ табиғи және техногендік сипаттағы төтенше жағдайларда объектілердің тұрақты және қауіпсіз жұмыс істеуін арттыруға қатысу;

5) егер бұрын толтырылмаған болса, Қазақстан Республикасы Төтенше жағдайлар министрлігінің (бұдан әрі – ТЖМ) жедел резервін толтыру;

6) қажет болған жағдайда эвакуациялық іс-шараларды жүргізу;

4-тaraу. Азаматтық қорғаныс әскери бөлімдерінің төтенше жағдай режиміндегі жұмысы

11. Азаматтық қорғаныс әскери бөлімдері төтенше жағдай режимінде мынадай іс-шараларды жүргізеді:

1) табиғи және техногендік сипаттағы төтенше жағдайларды жою жөніндегі іс-қимыл жоспарларын қолданысқа енгізу (іске асыру, орындау) және оларды түзету;

2) төтенше жағдай аймағында авариялық-құтқару жұмыстарын жүргізу, жұмыстардың ахуалы және оны жүргізу барысы туралы ақпарат жинау, талдау және алмасу;

3) табиғи және техногендік сипаттағы төтенше жағдайлар кезінде халықтың тіршілігін қамтамасыз ету жөніндегі іс-шараларды жүргізуге қатысу.

12. Табиғи және техногендік сипаттағы төтенше жағдайларды жою кезінде азаматтық қорғаныс әскери бөлімдері авариялық-құтқару және кезек құттірмейтін жұмыстарды жүргізеді және:

- 1) төтенше жағдай аймақтарында және авариялық-құтқару жұмыстарын жүргізу объектілерінде зардап шеккендерді іздеуді;
- 2) зардап шеккендерді қоршаудан шығаруды және өмірін сақтап қалуға жағдай жасай отырып, оларды қоршауда қалған жерлерден қауіпсіз аудандарға эвакуациялауды;
- 3) зардап шеккендерге алғашқы медициналық көмек көрсетуді;
- 4) материалдық және мәдени құндылықтарды құтқару бойынша әрекет етуді;
- 5) қоршаған ортаны қорғау жөніндегі іс-шараларды;
- 6) арнайы және қосымша жұмыстарды орындауды: үйінділерге өтетін жолдарды (өтпелерді) салуды, коммуналдық-энергетикалық желілердегі аварияларды оқшаулауды, құлау қаупі бар және жұмыстарды қауіпсіз жүргізуге кедергі келтіретін ғимараттар мен үйінді элементтерінің конструкцияларын құлатуды немесе нығайтууды, бұзылған ғимараттардың үйінділеріндегі өрттерді сөндіруді; жұмыс орындары мен аландарын жарықтандыруды, қауіпті аймақтарды, жұмыс орындарын және аландарды қоршауды;
- 7) төтенше жағдайлардың салдарын жоюды, аймақтарын оқшаулауды жүзеге асырады;

5-тaraу. Азаматтық қорғаныс әскери бөлімдерін төтенше жағдайлардың туындау қатері кезінде басқару

13. Табиғи және техногендік сипаттағы төтенше жағдайлардың туындау қатері, азаматтық қорғаудың мемлекеттік жүйесі жұмысының жоғары әзірлік режимін енгізу кезінде, АҚжӘБК төрағасы азаматтық қорғаныс әскери бөлімдеріне жедел басқаруды жүзеге асырады.

14. ТЖМ бірінші вице-министрінің өкімдерін беру ТЖМ-ның Дағдарыс жағдайларында басқару орталығының жедел кезекшілері арқылы жүргізіледі.

15. Бөлімше командирі күн сайын ТЖМ бірінші вице-министрге және АҚжӘБК төрағасына атқарылған іс-шаралар туралы ТЖМ-ның Дағдарыс жағдайларында басқару орталығының жедел кезекшілері арқылы баяндайды.

6-тaraу. Азаматтық қорғаныс әскери бөлімдерін төтенше жағдай туындаған кезде басқару

16. Табиғи және техногендік сипаттағы төтенше жағдай туындаған, азаматтық қорғаудың мемлекеттік жүйесі жұмысының жоғары әзірлік режимін енгізу кезінде одан әрі Министрге баянат енгізе отырып, АҚжӘБК төрағасы азаматтық қорғаныс әскери бөлімдеріне қолбасшылықты жүзеге асырады.

17. Баянната төтенше жағдайдың және оның аймағының түрлері, азаматтық қорғаныс әскери бөлімдерінің немесе оның жедел бағынысқа ауысқан жекелеген бөлімшелерінің атауы, жеке құрам мен техниканың саны, олардың міндеттері көрсетіледі.

18. ТЖМ бірінші вице-министрінің тиісті өкімін беру ТЖМ-ның Дағдарыс жағдайларында басқару орталығының жедел кезекшілері арқылы жүргізіледі.

19. Азаматтық қорғаныс әскери бөлімдері төтенше жағдай аймағында төтенше жағдайларды жою басшысының жедел бағынысына және оның шешімімен құрылған жедел штабқа келіп түседі.

20. Авариялық-құтқару және кезек күттірмейтін жұмыстарды жүргізу кезінде азаматтық қорғаныс әскери бөлімдері жеке құрамының қызмет режимі мен жұмыс күнінің ұзақтығын, оларды жүргізу ерекшеліктерін, санитариялық қағидалар мен гигиеналық нормаларды ескере отырып, табиғи және техногендік сипаттағы төтенше жағдайларды жою басшысы белгілейді.

21. Бөлімше командирі атқарылған іс-шаралар туралы ТЖМ бірінші вице-министріне және АҚжӘБК төрағасына ТЖМ-ның Дағдарыс жағдайларында басқару орталығының жедел кезекшілері арқылы баяндайды.

22. Азаматтық қорғаныс әскери бөлімдерінің авариялық-құтқару жұмыстарының жүргізілуін бақылауды одан әрі ТЖМ бірінші вице-министріне баянатпен баяндай отырып, АҚжӘБК жүргізеді.